

Imvula ishiye kukhalwa KwaZulu-Natal

BAWINILE NGCOBO

MVULA enamandla idale ukuthi kugeleza amanzi emigwakweni yakulesi sifundazwe njengoba imigwako ibigcwele amanzi, eminye igcwale udaka namabhuholo abhidika.


Kulimale abane izolo ekuseni ngesikhathi isitimela esithwala izimpahla sigingqika emuva kokuguguleka kwenhlabathi eseduze kukajantshi ngenxa yokugcwa komfula eManzintoti.

Okhulumela abezimo eziphuthumayo, uMnuz Chris Botha, uthe lesi sitimela siphume emzileni waso ngezithuba zavo-5 ekuseni emuva kokuthi umfula iManzintoti obudla izindwani ugugule inhlabathi ngaphansi kukajantshi, isitimela sagingqikela emfuleni.

Uthe abezimo eziphuthumayo bafike kule ndawo abane abasebenza kulesi sitimela besathukile, bengenwe ngamakhaza ngenxa yemvula.

Laba banikwe usizo oluphuthumayo babe sebephuthunyisa esibhledla.

■ Kwesinye isigameko abezimo eziphuthumayo bahlenge abantu abayisishiyagalolunye abahlala ngaphansi kwe-



ISITIMELA esithwala izimpahla esigingqike emuva kokuthi kuguguleke inhlabathi ngaphansi kojantshi, umfula ugcwele

bhuloheli semgwaqweni u-M4, ngasemfuleni uMbilo emuva kokuthi umfula ugcwele kakhulu bavimbeka phakathi nawo.

Kuthiwa laba bantu bebelele ngaphansi kwaleli bhuloheli ngesikhathi amanzi egcwala base bevaleka ngaphakathi.

ÜBotha uthe abosizo oluphuthumayo bafike kule

ndawo ekuseni bakwazi ukuhlenga umuntu ngamunye besebenzisa intambo, baze bayiswa endaweni ephephile.

■ Izolo ekuseni kushayisane itekisi nemoto encane kwalimala abantu abangu-13 emgwaqweni u-R102, ngasesiteshini sitimela eReunion.

UNksz Vanessa Jackson

we-ER24, uthe bafike endaweni yesigameko bathola imoto encane imaphakathi nomgwaqo ilimele kakhulu ohlangothini lomshayeli.

Itekisi ilimele ngaphambili.

Abagibeli betekisi batholwe sebengaphandle baxilongwa bathuthelwa ezibhledla.

■ Khonamanjalo besingakatholakali isidumbu somshayeli wetekisi ongene emfuleni eHlathi Dam, eNquthu ngeSonto ebusuku ngesikhathi kunemvula enamandla.

Umnkazi wetekisi, uNkk Lungile Ngcobo, izolo uthe isidumbu sikaMnuz Khethani Ntuli bebengakasitholi.

“Sikhona nje la emfuleni

sizobheka kodwa siyabuka nje ngoba umfula ugcwele kakhulu ngenxa yale mvula elokhu ina njalo inganqamuki,” kusho uNkk Ngcobo.

Uthe bathenjiswe ngabatshizi ukuthi bazosebenzisa isikebhe abazosilanda eMpangeni ukuze babheke isidumbu sikaNtuli.



ISAZISO SOMHLANGANO WOMPHAKATHI KANYE NESAZISO SOHLELO LWE ENVIRONMENTAL ASSESSMENT
UKUHLONGOZWA KOKWAKHIWA KUKA PHASE 4,
WE- NORTHERN AQUEDUCT, DUFFS ROAD LINK TO PHOENIX 2
RESERVOIR, ETHEKWINI MUNICIPALITY, KWAZULU NATAL
EIA DM/0065/2012

Knight Piésold
CONSULTING

Umfaki Sicelo: ETHEKWINI MUNICIPALITY WATER AND SANITATION (EWS)

Intuthuko Ehlongozwayo: i-EThekwini Water and Sanitation banikezelwe imvume ngokulawula kwemithetho yezemvelo yaseNingizimu Afrika (Record of Decision) benikezwu Umyango Wezolimo neZemvelo kanye nokuthuthukiswa kwezindawo zasemakhaya (DAEA&RD) ukuze bakwazi ukuthi bafake izingqalazizinda zentuthuko yepayipi lamanzi leProjekthi ebizwa ngokuthi yi Northern Aquaduct (NA) elizosuka endaweni yaseMachobeni kuya Emhlanga, linikezela ngamanzi ahlanzekile kulezindawo eziseNyakatho nedolobha laseThekwini. Lawamanzi awadingi ukuphatshwa ukuze afike kulezindawo kepha ayazehlela nje emapayipini ngaphandle kokuphatshwa ukuze afike lapho edingeka khona. Manje sekulongozwa ukuthi kufakwe elinyi ipayipi futhi elizoxhumana neprojekthi ye Northern Aqueduct. Lizofaku lixhumane neprojekthi ekhona njengamanje kanye no Phase 1 we Northern Aqueduct. Leprojekthi izobe seyaziwa ngokuthi ingu PHASE 4 weProjekthi ye Northern Aqueduct. Kulindeleko ukuthi iphotulwe ngesikhathi esifanayo kanye neprojekthi ebizwa ngo PHASE 1 we Northern Aqueduct, ngonyaka ka 2014. Uma seyiphothuliwe leprojekthi ka PHASE 1, ye Northern Aqueduct Augmentation (NA) izoba usizo kakhulu ekuxhumaniseni uhlelo elikhona njengamanje lokunikezela ngamanzi ahlanzekile kanye nokuthuthukiswa kwezindawo eziseNyakatho nedolobha laseThekwini. Uhlelo olukhona njengamanje lokunikezela ngamanzi seluthwele umthamo omkhulu okudala ingcindezi kulona futhi alinazo ezinye izinsiza ezilisekelayo ukwandisa umthamo waso ukuze lengcindezi yehle, ukuze lentuthuko eyakhiwa manje ithole ukusizakala. Ingcindezi enku yenzeka endaweni yaseDuffs Road kanye nasethangini lamanzi lesibili elisePhoenix (Phoenix 2 Reservoir) lapho kuba nzima kakhulu ukuthi amanzi akwazi ukugeleza kahle (lapho kuxhumana khona leprojekthi no PHASE 1). Ngenxa yaloku kuthikamezeka kokugeleza kwamanzi ukuthi afikelele kahle emathangini ukusuka eDuffs Road kuya ethangini eligcina amanzi e Phoenix (elibizwa ngokuthi yi Phoenix 2 Reservoir) sekulongozwa ukuthi kwakhiwe enye ingqalasizinda yepayipi lamanzi elizobizwa ngokuthi ngu Northern Aqueduct 2 (NA2) PHASE 4 ukuze Indawo yase Cornubia kanye nezindawo ezakhele inyakatho yedolobha laseThekwini zikwazi ukuthola amanzi kulezinyanga eziyishumi nesishiyagalombili (18 Months) ezizayo. UPHASE 4 weprojekthi uzofaka ipayipi eligu 1.2 meter diameter, elizobekwa eceleni kwaleli elisuka EDuffs Road kuya ethangini lamanzi lesibili elisePhoenix. Ngenxa yokuthi kuzobe kugeleza amanzi angumthamo omkhulu kulamapayipi kudingeka ukuthi kwensiwe ucwanninge lwezemvelo olugcwele (Full EIA) oluzothola imithelela engaba khona uma kuwukuthi leProjekthi iyanikezelwa imvume yokuthi iqhubek. Kepha UMnyango WeZelimo neZemvelo nokuthuthukiswa kwezindawo ezisemakhaya unikezele ngemvume yokuthi kwensiwe uhlelo lwe Basic Environmental Assessment.

Ulibamba kanjani iqhaza: Ungasiza ngokuthi ubhalise njengothinteke ngqo noma nje onesifiso sokubamba iqhaza kuloluhlelo, noma futhi ufuna olunye ulwazi ngaleprojekthi, thintana nalaba abalandeloye unikezelwe ngegama imidanti yakho lapho ungatholakala khona, ikheli nezinombolo zocingo, uchaze futhi ukuthi yini indaba ufune ukubamba iqhaza kuleprojekthi (interest in the project) ungakashayi umhlaka 30 January 2013 kwabaka:

Duyaze Environmental Consultancy (Sam Manqele) 033 3915094, Fax: 0866 142081, P.O. Box 252, Luxmi, 3207, email:duyaze@telkomsa.net.

Uma udinga ulwazi oluphathelene neProjekthi (Technical Queries) noma udinga ulwazi ngomgudu wepayipi siza uxhumane no Knight Piesold Consulting (Michelle Lotz) ku P.O. Box 383 Westville, 3630, Tel: 031 2764660, Fax: 031 2622950, email:mlotz@knightpiesold.com

** Lesi akusona isikhango sokufaka isicelo somsebenzi.**

Regret this is not an advertisement for an employment opportunity

Eyabashayeli nomkhankaso ozoba wusizo kubagibeli

THEMBA NTSHINGILA

INHLANGANO yabashayeli bamatekisi KwaZulu-Natal iQina Mshayeli, ithi izimisele ngokuthi abagibeli babe namaholidi aphephile futhi anokuthula kulo nyaka kulandela umkhankaso wayo ewuqale namhlanje wokuhambela amarenki amatekisi ahlukene eThekwini ngenhlosu yokugqugquzela ukuxhumana nokubambisana nabagibeli.

Upahwule kanje uMnuz Musa Vilakazi onguMengameli wale nhlangano engxoeweni abe nayo neSoleze esithangamini sabezindaba sokwethula lo mkhankaso izolo eThekwini.

“Inhlosu yalo mkhankaso wukuqinisekisa abagibeli ukuthi sizokwenza konke okusemandleni ukuthi baphephe ezingozini zomgwqaqo ngalesi sikhathi samaholidi. Lokhu sizokwenza ngokuthi sihambele amarenki ahlukene kusukela eThekwini kuze kuyoshaya eVerulam,” kuchaza uVilakazi owengeze ngokuthi kungokokuqala ukuthi babe nalo mkhankaso selokhu le nhlangano yabo isunguliwe ekuqaleni kwalo nyaka.

Uthe ngaso sonke isikhathi abantu badinga umholi kunoma yimuphi umkhakha wezemphilo ukuze balalele, benze abatshelwa khona kwazise bebungekho ubuholi obuqondisa abashayeli nabagibeli ngokubambisana phambilini.

“Abashayeli bamatekisi nabagibeli, bebedinga ukuholwa sonke lesi sikhathi ukuze kugeleza amanzi ngokuthi kule mboni,” kuchaza yena.

Uthe ukududula ndawonye lo mkhankaso ngokuhlanganya nenhlangano emele abagibeli iPublic Transport Passenger Association nabe Road Accident Fund yikhona okuzokwenza ukuthi lo mkhankaso uthele izithelo.

Uthe ukuba khona kwabeRoad

Accident Fund, kuzokwenza ukuthi kugeleza amanzi ngokuthi esiningi abashayeli abanxeshezelwa uma kwehla izingozi ngoba kuthathwa ngokuthi yibona abasuke besephutheni noma kungenjalo.

Phakathi kwezinto abazobe bezigqugquzela, yinhloniphokulindeloye ukuthi abashayeli bayikhombise kubagibeli, yinhlanzezo kubashayeli, wukubuza kubagibeli ukuthi bayadinga yini ukuthi kudlalwe umpsakazo etekisini noma cha, wukubingelela abagibeli nokunye okuningi.

“Yingakho nje namhlanje kuhkona nezingane ezhaya izinkondlo ezixwayisa ngezingozi emgwaqweni ngoba ekucineli abazali bazo abafa ezingozini,” kwengeza umgqugquzeli wale nhlangano, uMnuz Vusi Ndlovu.

USihlalo wenhlangano emele abagibeli uMnuz Mboneyi Qwabe, uthe bakushayela ihlombe ukuba yingxenyenalo mkhankaso ngoba uzokwenza ngcono ukuxhumana nabashayeli.

“Esikhathini esiningi nathi bagibeli siyazidaloye izinkinga. Siyaye sifune ukwenza okuthandwa yithina, njengokuthi sigibela sibe bane esihlalweni sabantu abathathu ngoba nakhu sithi sijahile siya emsebenzini bese lokhu kuholela ekutheni itekisi izithole isisengozini,” kucacisa uQwabe.

Okhulumela uMnyango wokuThutha kulesi sifundazwe uMnuz Kwanele Ncalane, uwuncomile lo mkhankaso wathi: “Selokhu uNgqongqoshe walo Mnyango uMnuz Willies Mchunu eqale umkhankaso i-Operation Valingozi wokulwa nezingozi emgwaqweni, siyalweseka noma ngabe yiluphi olunye uhlelo nomkhankaso oluqhamukayo oluzosiza ekutheni imiphefumulo yabantu ingalahleki ezingozini zezi moto emgwaqweni.”